



Reykjavíkurborg

Menningar- og ferðamálasvið

Reykjavík, 10. september

2019

RMF19030006

3.1.0

Ráðhús Reykjavíkur - borgarráð

Ráðhús Reykjavíkur
101 REYKJAVÍK

Breytingar á verklagsreglum um úthlutun styrkja á sviði menningarmála árið 2020

Á fundi menningar-, íþrótt- og tómstundaráðs þ. 9. sept. sl. var hjálögð tillaga formanns ráðsins dags. 4. sept. sl. um breytingar á verklagsreglum um úthlutun styrkja á sviði menningarmála 2020 samþykkt, sbr. hjálagða fundargerð. Í tillögunni fólust eftirfarandi áherslubreytingar:

1. Sértækar áherslur ráðsins vegna styrkveitinga ársins 2020 sem fjallað er um í 1. gr. reglnanna verði svohljóðandi:

- Verkefni sem tengjast evrópskum kvikmyndum í tilefni af því að Evrópsku kvikmyndaverðlaunin verða haldin í Reykjavík í desember 2020
- Verkefni sem endurspeglar fjölbreytileika samfélagsins

2. Orðalag varðandi Listhóp Reykjavíkur sem fjallað er um í 2. gr. reglnanna verði svohljóðandi:

Listhópur Reykjavíkur 2020 verður valinn úr hópi styrkþega, en listhópar úr öllum listgreinum geta í hefðbundinni styrkumsókn sótt um að vera útnefndur Listhópur Reykjavíkur í sérstökum athugasemdadálki neðst í umsóknareyðublaði. Við valið verður horft sérstaklega til viðfangsefna er tengjast áherslum Reykjavíkurborgar á evrópskar kvikmyndir í menningarstarfi sínu á árinu 2020, í tilefni þess að hátíð Evrópsku kvikmyndaverðlaunanna verður haldin í Reykjavík á því ári. Hópurinn sem fyrir valinu verður fær allt að 3 milljónum króna til ráðstöfunar til að útfæra hugmynd sína.

Hjálagðar verklagsreglur voru samþykktar svo breyttar og eru þær hér með sendar borgarráði til staðfestingar. Hjálagðar eru einnig fyrri verklagsreglur sem samþykktar voru í borgarráði þ. 4. júlí sl.



Arna Schram
sviðsstjóri menningar- og ferðamálasviðs

Hjálagt:

Tillaga formanns menningar-, íþrótt- og tómstundaráðs dags. 4. sept. 2019

Fundargerð menningar-, íþrótt- og tómstundaráðs dags. 9. sept. 2019

Verklagsreglur um úthlutun styrkja á sviði menningarmála 2020 samþykktar í menningar-, íþrótt- og tómstundaráði þ. 9. sept. 2019

Verklagsreglur um úthlutun styrkja á sviði menningarmála 2020 samþykktar í borgarráði þ. 4. júlí 2019



Reykjavíkurborg

Menningar- og ferðamálasvið

Reykjavík, 4. september 2019

RMF19030006

3.1.0

Menningar-, íþrótt- og tómstundaráð

Breytingatillögur á verklagsreglum um úthlutun styrkja og samstarfssamninga Reykjavíkurborgar 2020 á sviði menningarmála

Lagt er til að menningar-, íþrótt- og tómstundaráð samþykki hjálagðar verklagsreglur menningar-, íþrótt- og tómstundaráðs um úthlutun styrkja og samstarfssamninga Reykjavíkurborgar 2020 á sviði menningarmála, sbr. samþykkt borgarráðs frá 4. júlí 2019, með svohljóðandi breytingum:

1. Sértekur áherslur ráðsins vegna styrkveitinga ársins 2020 sem fjallað er um í 1. gr. reglnanna verði svohljóðandi:

- Verkefni sem tengjast evrópskum kvikmyndum í tilefni af því að Evrópsku kvikmyndaverðlaunin verða haldin í Reykjavík í desember 2020
- Verkefni sem endurspeglar fjölbreytileika samfélagsins

2. Orðalag varðandi Listhóp Reykjavíkur sem fjallað er um í 2. gr. reglnanna verði svohljóðandi:

Listhópur Reykjavíkur 2020 verður valinn úr hópnum styrkþega, en listhópar úr öllum listgreinum geta í hefðbundinni styrkumsókn sótt um að vera útnefndur Listhópur Reykjavíkur í sérstökum athugasemdadálki neðst í umsóknareyðublaði. Við valið verður horft sérstaklega til viðfangsefna er tengjast áherslum Reykjavíkurborgar á evrópskar kvikmyndir í menningarstarfi sínu á árinu 2020, í tilefni þess að hátíð Evrópsku kvikmyndaverðlaunanna verður haldin í Reykjavík á því ári. Hópurinn

sem fyrir valinu verður fær allt að 3 milljónum króna til ráðstöfunar til að útfæra hugmynd sína.

Hjálmar Sveinsson

Hjálagt:

Verklagsreglur menningar-, íþróttá- og tómstundaráðs um úthlutun styrkja og samstarfssamninga Reykjavíkurborgar 2020 á sviði menningarmála

Menningar-, íþrótt- og tómstundaráð

Ár 2019, mánudaginn 9. september var haldinn 22. fundur menningar-, íþrótt- og tómstundaráðs. Fundurinn var haldinn í Ráðhúsinu og hófst kl. 13:30. Viðstödd voru: Hjálmar Sveinsson, Pawel Bartoszek, Sabine Leskopf, Elín Oddný Sigurðardóttir, Björn Gíslason, Katrín Atladóttir, Baldur Borgþórsson. Eftirtaldir embættismenn og aðrir starfsmenn sátu fundinn: Andrés B Andreasen fjármálastjóri ÍTR, Steinþór Einarsson skrifstofustjóri ÍTR, Arna Schram sviðsstjóri MOF.

Fundarritari var Helga Björnsdóttir skrifstofustjóri hjá ÍTR.

Þetta gerðist:

1. Lagt fram bréf formanns menningar-, íþrótt- og tómstundaráðs dags. 4. september 2019, með breytingartillögum við verklagsreglur menningar-, íþrótt- og tómstundaráðs, sem samþykktar voru í borgarráði 4. júlí sl. RMF19030006. Samþykkt samhljóða.
2. Lagt fram svar menningar- og ferðamálasviðs, dags. 4. september 2019, við fyrirspurn fulltrúa Samfylkingar, Viðreisnar og Vinstri grænna um samantekt á styrkjasamningum sem nú er í gildi og snúa að barnamenningu í borginni, sbr. 9. lið fundargerðar menningar-, íþrótt- og tómstundaráðs frá 27. maí 2019. Einnig lagðir fram til kynningar bæklingar um fræðsludagskrá vetrarins hjá Borgarsögusafni Reykjavíkur og Listasafni Reykjavíkur. RMF19080005.
3. Lagt fram til kynningar yfirlit yfir fulltrúa í fræðsluferð menningar-, íþrótt- og tómstundaráðs haustið 2019 ásamt dagskrá.
4. Lögð fram fundargerð borgarráðs frá 29. ágúst sl. þar sem fram kemur að Diljá Ámundadóttir taki sæti sem varamaður í menningar, íþrótt- og tómstundaráði í stað Gunnlaugs Braga Björnssonar.
 - kl. 13:40 vikur Arna Schram af fundi.
5. Fram fer kynning á sex mánaða uppgjöri ÍTR.
6. Lagt fram yfirlit um aðsókn í sundlaugar og Fjölskyldugarð janúar – ágúst 2019.
7. Lögð fram tillaga um gjaldskrá starfsstaða ÍTR 2020 – trúnaðarmál.
8. Lagt fram bréf TBR dags. 27. ágúst 2019 með ósk um styrk vegna búnaðarkaupa vegna alþjóðlegra badmintonmóta. Vísað til gerðar fjárhagsáætlunar.
9. Lagt fram bréf skrifstofustjóra reksturs og þjónustu hjá ÍTR dags. 3. september 2019 vegna þjónustutíma á Ylströndinni veturinn 2019-2020.
10. Lagt fram bréf Íshökkísambands Íslands dags. 20. ágúst 2019 með beiðni um styrk vegna heimsmeistaramóts karla í riðli IIB í Reykjavík 19.-25. apríl 2020. Vísað til gerðar fjárhagsáætlunar.

11. Lagðar fram umsóknir frá Ármanni, Fylki og KR vegna rafíþróttadeilda félaganna.

Fulltrúar Samfylkingar, Viðreisnar og Vinstri grænna leggja fram eftirfarandi tillögu:
Í framhaldi af samþykkt ráðsins frá 24. júní 2019 um að auglýst skuli eftir umsóknum um styrki vegna stofnum rafíþróttadeilda í Reykjavík þá er lagt til við borgarráð að KR, Fylkir og Ármann fái hvert um sig 660.000.- í styrk vegna málsins.

Samþykkt með 4 atkvæðum. Fulltrúar Miðflokksins og Sjálfstæðisflokksins sátu hjá.

Fulltrúar Miðflokksins Baldur Borgþórsson og Sjálfstæðisflokksins Katrín Atladóttir leggja fram eftirfarandi bókun:

Í dag eru fimm mánuðir síðan lögð var fram tillaga að frumkvæði Sjálfstæðisflokksins í borgarstjórn um að Reykjavíkurborg styddi íþróttafélögin í Reykjavík við að koma á fót rafíþróttadeildum innan félaganna. Tillagan var samþykkt einróma í borgarstjórn og ljóst að vilji borgarfulltrúa stóð til þess að þetta verkefni yrði unnið sómasamlega enda markmiðið göfugt að koma í veg fyrir félagslega einangrun og auka félagsfærni barna og ungmenna. Ljóst er að þátttaka barna og ungmenna í íþróttastarfi getur haft mjög jákvæð áhrif á félagsfærni barna, ekki síst til framtíðar lítið. Rannsóknir hafa sýnt fram á þessi jákvæðu tengsl, en nauðsynlegt er að börn fái þjálfun í félagsfærni enda getur slík færni hjálpað þeim á öllum stigum lífsins, bæði í leik og starfi.

Það vekur því furðu hversu lítið fjármagn meirihlutinn í menningar-, íþrótt- og tómsundaráði ætlar sér að setja í málaflokkinn þegar vilji borgarstjórnar stendur algjörlega kýrskýr. Úr því að þessi staða er komin upp er e.t.v. rétt að skora á borgarstjórn að taka málið upp að nýju. Í greinargerðinni kom að kostnaðurinn við hvert félag yrði u.þ.b. 10 milljónir. Eins og máltækið segir þá skal orðum fylgja efndir; raunverulegur vilji og fjármagn.

Fulltrúar Samfylkingar, Viðreisnar og Vinstri grænna leggja fram eftirfarandi bókun:
Tillaga um 2 m.kr. stuðning í þágu rafíþróttar var samþykkt einróma á fundi MÍT þann 24. júní. Það er sérkennilegt að fulltrúar minnihlutans hafi ekki gert athugasemdir um heildarupphæðina á sínum tíma, en gera það hins vegar nú, þegar einungis er verið að taka ákvörðun um skiptingu hennar.

Björn Gíslason víkur af fundi undir þessum lið.

12. Lagt fram bréf Knattspyrnufélagsins Vals dags. 29. júlí 2019 vegna gervigrass félagsins.
Vísað til umsagnar Umhverfis- og skipulagssviðs og Íþrótt- og tómsundasviðs.
13. Lögð fram hugmynd af samráðsvefnum Betri Reykjavík dags. 6. ágúst 2019 – Vetrarfrí í grunnskólum Reykjavíkur.
Íþrótt- og tómsundasvið leggur áherslu á að ekki sé lokað í sundlaugunum vegna viðhaldsverkefna þegar vetrarfrí eru í skólum borgarinnar.
Íþrótt- og tómsundasvið mun koma því á framfæri við samstarfsnefnd skíðasvæða höfuðborgarsvæðisins að opna fyrir á þeim dögum þegar vetrarfrí er, ef aðstæður og veður leyfa.

14. Lagt fram bréf borgarráðs dags. 28. júní 2019 þar sem fram kemur að tillaga borgarstjóra um að eftir að Fram flytur í Úlfarsárdalinn taki Víkingur yfir rekstur íþróttahús og gervigrasvöll í Safamýri og menningar-, íþrótt- og tómstundaráði verði falið að sinna stefnumótun og eftirliti með verkefninu í Safamýri. Fyrir liggur að halda fund með íbúum hverfisins í september.
15. Lagt fram bréf mannréttinda- og lýðræðisskrifstofu dags. 29. ágúst 2019 ásamt skýrslu með samanteknum niðurstöðum frá Fjölmenningsþingi 2018.
16. Upplýst var að nú fer fram innleiðing á nýju afgreiðslukerfi á starfsstöðum ÍTR.





Fundi slitið kl. 15:00.



Hjálmar Sveinsson

Pawel Bartoszek
Elín Oddný Sigurðardóttir
Björn Gíslason

Sabine Leskopf
Katrín Atladóttir
Baldur Borgþórsson



Verklagsreglur menningar-, íþróttá- og tómsundaráðs um úthlutun styrkja og samstarfssamninga Reykjavíkurborgar 2020 á sviði menningarmála

Verklagsreglur þessar fjalla um styrki úr borgarsjóði sem sótt er um á sviði menningarmála haustið 2019. Opnað er fyrir umsóknir vegna ársins 2020 á sama tíma og aðrar styrkveitingar borgarsjóðs með sama umsóknarfrest. Um meðferð, afgreiðslu og eftirfylgni styrkja og samstarfssamninga á sviði menningarmála er farið eftir Styrkjahandbók Reykjavíkurborgar, sem finna má á vef Reykjavíkurborgar.

1. Grundvöllur styrkveitinga ársins 2020

Menningarstefna Reykjavíkurborgar er sá grundvöllur sem styrkveitingar ráðsins byggja á en leiðarljós stefnunnar er:

Reykjavík gegnir menningarlegu forystuhlutverki. Sjálfsmynd borgarinnar byggir á skapandi hugsun, frumkvæði og menningararfi í samspili við alþjóðlegar stefnur og strauma. Menningarlífið einkennist af metnaði, fjölbreytni, samvinnu og virkri þátttöku íbúa og gesta.

Sértækar áherslur 2020 eru:

- Verkefni sem tengjast evrópskum kvikmyndum í tilefni af því að Evrópsku kvikmyndaverðlaunin verða haldin í Reykjavík í desember 2020
- Verkefni sem endurspeglar fjölbreytileika samfélagsins

~~Menningar-, íþróttá- og tómsundaráð setur sértækar áherslur varðandi styrkveitingar ársins 2020 áður en opnað er fyrir umsóknir.~~

2. Almennar styrkveitingar og samstarfssamningar 2020

Faghópur fjallar um þá styrki sem sótt er um úr borgarsjóði á sviði menningarmála. Faghópurinn er skipaður árlega af menningar-, íþrótt- og tómstundaráði að fenginni tillögu Bandalags íslenskra listamanna og Hönnunarmiðstöðvar Íslands.

Árið 2019 er hægt að sækja um eftirfarandi styrki:

- **Verkefnastyrki** fyrir afmörkuð verkefni á sviði menningar og lista á árinu 2020.
- **Styrki vegna starfsemi á sviði menningar og lista** án þess að styrkurinn sé bundinn afmörkuðu verkefni.
- **Samstarfssamninga** til tveggja eða þriggja ára til hópa eða stofnana sem sannað hafa gildi sitt í reykvisku menningarlífi, hafa náð afbragðs árangri og geta með rökstuddum umsóknum sýnt fram á framkvæmdagetu og fjármögnunarleiðir til að reka áformaða liststarfsemi til lengri tíma. Gerð samstarfssamninga til fleiri ára er háð samþykki borgarráðs og með fyrirvara um samþykkt fjárhagsáætlunar hverju sinni. Heimilt er að ráðstafa allt að þriðjung af styrkjapotti ársins 2020 til nýrra eða endurnýjaðra samstarfssamninga til tveggja eða þriggja ára.
- [Listhópur Reykjavíkur 2020 verður valinn úr hópi styrkþega, en listhópar úr öllum listgreinum geta í hefðbundinni styrkumsókn sótt um að vera útnefndur Listhópur Reykjavíkur í sérstökum athugasemdadálki neðst í umsóknareyðublaði. Við valið verður horft sérstaklega til viðfangsefna er tengjast áherslum Reykjavíkurborgar á evrópskar kvikmyndir í menningarstarfi sínu á árinu 2020, í tilefni þess að hátíð Evrópsku kvikmyndaverðlaunanna verður haldin í Reykjavík á því ári. Hópurinn sem fyrir valinu verður fær allt að 3 milljónum króna til ráðstöfunar til að útfæra hugmynd sína.](#)

~~Listhópur Reykjavíkur er valinn árlega úr hópi styrkþega. Hann getur verið úr hvaða listgrein sem er. Titillinn er viðurkenning og má hópurinn nota hann í kynningu á starfi sínu að vild.~~

3. Verklag

Umsóknir um styrki úr borgarsjóði á sviði menningarmála fara til meðferðar hjá menningar-, íþrótt- og tómstundaráði. Skrifstofa menningar- og ferðamálasviðs leggur fram yfirlit umsókna til kynningar á fundi ráðsins, sem vísar umsóknum áfram til meðferðar faghóps. Faghópurinn er skipaður af ráðinu, fjórir fulltrúar eru tilnefndir af Bandalagi íslenskra listamanna og einn er tilnefndur af Hönnunarmiðstöð Íslands. Jafnframt eru tilnefndir jafn margir varamenn. Skipað er í faghópinum árlega og er greitt fyrir setu í honum. Ekki er gert opinbert fyrr en að úthlutun lokinni

Verklagsreglur um styrki á sviði menningarmála 2020 - samþykktar í menningar-, íþrótt- og tómstundaráði 24. júní/9. september-2019

Verklagsreglur um styrki á sviði menningarmála 2020 — samþykktar í borgarráði 4. júlí 2019

hverjir sitja í faghópnum. Starfsmaður skrifstofu sviðsins er faghópnum til ráðgjafar og leiðbeiningar og situr fundi hópsins eftir því sem þörf krefur, og tekur jafnframt við fyrirspurnum umsækjenda.

Faghópurinn skilar tillögu að úthlutun styrkja og samstarfssamninga á sviði menningarmála til menningar-, íþróttá- og tómstundaráðs. Tillögunni fylgir rökstudd greinargerð sem kynnt er menningar-, íþróttá- og tómstundaráði af fulltrúa faghópsins og er sú greinargerð gerð opinber um leið og ákvörðun um úthlutun styrkja er birt. Að öðru leyti er úthlutun ekki rökstudd, sbr. V. kafla, 21. grein stjórnslulaga um hvenær veita skal rökstuðning (sjá aftast). Tillögur faghóps eru ráðgefandi og tekur menningar-, íþróttá- og tómstundaráð endanlega ákvörðun um úthlutun.

Við skipun í faghóp skal taka mið af II. kafla stjórnslulaga um sérstakt hæfi (sjá aftast). Sama gildir ef hópurinn hefur hafið störf og spurning um vanhæfi kemur upp. Jafnframt ber að gæta að jöfnum kynjahlutföllum og að skipan fulltrúa endurspegli þann fjölbreytta hóp sem starfar innan BÍL og Hönnunarmiðstöðvar.

Styrkjareglur og stefnur Reykjavíkurborgar eru lagðar til grundvallar mati á umsóknum, auk eftirfarandi þátta:

- a) markmiðum sem lýst er og hvort líklegt sé að þeim verði náð
- b) hvort verk- og tímaáætlun verkefnisins eða starfseminnar sé raunhæf
- c) hvort fyrri verkefni sem styrk hafa hlotið hafi uppfyllt skilyrði og greinargerð hafi verið skilað
- d) væntanlegum árangri og ávinningi fyrir umrædda starfsemi
- e) fjárhagsáætlun og greinargerð um aðra fjármögnun sem einnig fylgir umsókn
- f) því hve vel þær falla að mannréttindastefnu og jafnréttisstefnu Reykjavíkurborgar og markmiðum um innleiðingu á kynjaðri fjárhags- og starfsáætlun

Styrkþegum er skylt að skila greinargerð um ráðstöfun styrkfjár að verkefni loknu með því að fylla út sérstakt eyðublað sem er aðgengilegt á www.reykjavik.is/styrkir og senda á menning@reykjavik.is.

4. Aðrir styrkir og verðlaun á vegum menningar-, íþróttá- og tómstundaráðs

Borgarhátíðir Reykjavíkur 2020-2022

Á árinu 2019 geta hátíðir sótt um að verða borgarhátíð Reykjavíkur 2020-2022 með þriggja ára samstarfssamningi. Faghópur skipaður fulltrúum Reykjavíkurborgar, fulltrúa Bandalags íslenskra

listamanna og fulltrúum Samtaka ferðapjónustunnar og Samtaka verslunar og þjónustu tekur fjallar um umsóknir. Um borgarhátíðir Reykjavíkur 2020-2022 gilda sérstakar reglur.

Úrbótasjóður tónleikastaða

Á árinu 2019 verður stofnaður úrbótasjóður fyrir tónleikastaði í Reykjavík til tveggja ára. Faghópur skipaður fulltrúum tónlistarlífsins auk verkefnastjóra Tónlistarborgarinnar fjallar um umsóknir í hann og gilda um hann sérstakar verklagsreglur.

Styrkir fyrir myndríka miðlun tengda sögu og menningu í Reykjavík

Styrkirnir eru ætlaðir til niðurgreiðslu á kostnaði vegna kaupa á ljósmyndum frá Ljósmyndasafni Reykjavíkur. Tilgangur styrkveitinganna er að hlúa að varðveislu menningararfleifðar Reykjavíkur og miðlunar hennar í fjölbreyttu formi. Hópur skipaður þremur sérfræðingum á menningar- og ferðamálasviði fer yfir umsóknir og gerir tillögu til menningar-, íþróttar- og tómstundaráðs.

Borgarlistamaður Reykjavíkur

Árlega er útnefndur borgarlistamaður Reykjavíkurborgar. Menningar-, íþróttar- og tómstundaráð útnefnir borgarlistamann. Um útnefningu borgarlistamanns gilda sérstakar reglur.

Bókmenntaverðlaun Tómasar Guðmundssonar

Verðlaunin eru veitt fyrir óbirt handrit að ljóðabók. Þriggja manna dómnefnd velur verðlaunahandritið. Um Bókmenntaverðlaun Tómasar Guðmundssonar gilda sérstakar reglur.

Barnabókaverðlaun Guðrúnar Helgadóttur

Þau eru veitt fyrir óbirt handrit að barna- eða unglingabók. Þriggja manna dómnefnd velur verðlaunahandritið. Um Barnabókaverðlaun Guðrúnar Helgadóttur gilda sérstakar reglur.

Úr stjórnarsýslulögum frá 1993 nr. 37:

II. kafli. Sérstakt hæfi.

■ 3. gr. Vanhæfisástæður.

Starfsmaður eða nefndarmaður er vanhæfur til meðferðar máls:

1. Ef hann er aðili máls, fyrirvarsmaður eða umboðsmaður aðila.
2. Ef hann er eða hefur verið maki aðila, skyldur eða mægður aðila í beinan legg eða að öðrum lið til hliðar eða tengdur aðila með sama hætti vegna ættleiðingar.
3. Ef hann tengist fyrirvarsmanni eða umboðsmanni aðila með þeim hætti sem segir í 2. tölul.
4. Á kærustigi hafi hann áður tekið þátt í meðferð málsins á lægra stjórnarsýslustigi. Það sama á við um starfsmann sem fer með umsjónar- eða eftirlitsvald hafi hann áður haft afskipti af málinu hjá þeirri stofnun sem eftirlitið lýtur að.

5. [Ef hann á sjálfur sérstakra og verulegra hagsmuna að gæta, venlamenn hans skv. 2. tölul. eða sjálfseignarstofnun eða fyrirtæki í einkaeigu sem hann er í fyrirvari fyrir. Sama á við ef næstu yfirmenn hans hjá hlutaðeigandi stjórnvaldi eiga sjálfir sérstakra og verulegra hagsmuna að gæta. Verði undirmaður vanhæfur til meðferðar máls verða næstu yfirmenn hans aftur á móti ekki vanhæfir til meðferðar þess af þeirri ástæðu einni.]¹⁾

6. Ef að öðru leyti eru fyrir hendi þær aðstæður sem eru fallnar til þess að draga óhlutdrægni hans í efa með réttu.

Eigi er þó um vanhæfi að ræða ef þeir hagsmunir, sem málið snýst um, eru það smávægilegir, eðli málsins er með þeim hætti eða þáttur starfsmanns eða nefndarmanns í meðferð málsins er það lítilfjörlegur að ekki er talin hætta á að ómálefnaleg sjónarmið hafi áhrif á ákvörðun.

¹⁾L. 49/2002, 1. gr.

■ 4. gr. Áhrif vanhæfis.

Sá sem er vanhæfur til meðferðar máls má ekki taka þátt í undirbúningi, meðferð eða úrlausn þess. Honum er þó heimilt að gera þær ráðstafanir sem eru nauðsynlegar til að halda máli í réttu horfi á meðan staðgengill er ekki til staðar.

Nefndarmaður, sem vanhæfur er til meðferðar máls, skal yfirgefa fundarsal við afgreiðslu þess.

■ 5. gr. Málsmeðferð.

Starfsmaður, sem veit um ástæður er kunna að valda vanhæfi hans, skal án tafar vekja athygli yfirmanns stofnunar á þeim.

Yfirmaður stofnunar ákveður hvort starfsmanni hennar beri að víkja sæti. Í þeim tilvikum, er vafi kemur upp um hæfi yfirmanns stofnunar, tekur hann sjálfur ákvörðun um hvort hann víkur sæti.

Nefndarmaður, sem veit um ástæður er kunna að valda vanhæfi hans, skal án tafar vekja athygli formanns stjórnarsýslunefndar á þeim.

Stjórnarsýslunefnd ákveður hvort nefndarmönnum, einum eða fleiri, beri að víkja sæti. Þeir nefndarmenn, sem ákvörðun um vanhæfi snýr að, skulu ekki taka þátt í ákvörðun um það. Þetta gildir þó ekki ef það leiðir til þess að stjórnarsýslunefndin verður ekki ályktunarhæf. Skulu þá allir nefndarmenn taka ákvörðun um hæfi nefndarmanna.

■ 6. gr. Setning staðgengils.

Þegar starfsmaður vÍkur sæti og ekki er til staðar annar hæfur starfsmaður skal sá er veitir stöðuna setja staðgengil til þess að fara með málið sem til úrlausnar er.

V. kafli. Birting ákvörðunar, rökstuðningur o.fl.

■ **21. gr. Hvenær veita skal rökstuðning.**

Aðili máls getur krafist þess að stjórnvald rökstyðji ákvörðun sína skriflega hafi slÍkur rökstuðningur ekki fylgt ákvörðuninni þegar hún var tilkynnt.

Ákvæði 1. mgr. gildir þó ekki ef:

1. umsókn aðila hefur verið tekin til greina að öllu leyti,
2. um er að ræða einkunnir sem veittar eru fyrir frammistöðu á prófum,
3. um er að ræða styrki á sviði lista, menningar eða vísinda.

Beiðni um rökstuðning fyrir ákvörðun skal bera fram innan 14 daga frá því að aðila var tilkynnt ákvörðunin og skal stjórnvald svara henni innan 14 daga frá því að hún barst.

Úrskurðum í kærumálum skal ávallt fylgja rökstuðningur.

Verklagsreglur menningar-, íþróttá- og tómsundaráðs um úthlutun styrkja og samstarfssamninga Reykjavíkurborgar 2020 á sviði menningarmála

Verklagsreglur þessar fjalla um styrki úr borgarsjóði sem sótt er um á sviði menningarmála haustið 2019. Opnað er fyrir umsóknir vegna ársins 2020 á sama tíma og aðrar styrkveitingar borgarsjóðs með sama umsóknarfrest. Um meðferð, afgreiðslu og eftirfylgni styrkja og samstarfssamninga á sviði menningarmála er farið eftir Styrkjahandbók Reykjavíkurborgar, sem finna má á vef Reykjavíkurborgar.

1. Grundvöllur styrkveitinga ársins 2020

Menningarstefna Reykjavíkurborgar er sá grundvöllur sem styrkveitingar ráðsins byggja á en leiðarljós stefnunnar er:

Reykjavík gegnir menningarlegu forystuhlutverki. Sjálfsmynd borgarinnar byggir á skapandi hugsun, frumkvæði og menningararfi í samspili við alþjóðlegar stefnur og strauma. Menningarlífið einkennist af metnaði, fjölbreytni, samvinnu og virkri þátttöku íbúa og gesta.

Menningar-, íþróttá- og tómsundaráð setur sértækar áherslur varðandi styrkveitingar ársins 2020 áður en opnað er fyrir umsóknir.

2. Almennar styrkveitingar og samstarfssamningar 2020

Faghópur fjallar um þá styrki sem sótt er um úr borgarsjóði á sviði menningarmála. Faghópurinn er skipaður árlega af menningar-, íþróttá- og tómsundaráði að fenginni tillögu Bandalags íslenskra listamanna og Hönnunarmiðstöðvar Íslands.

Árið 2019 er hægt að sækja um eftirfarandi styrki:

- **Verkefnastyrki** fyrir afmörkuð verkefni á sviði menningar og lista á árinu 2020.

- **Styrki vegna starfsemi á sviði menningar og lista** án þess að styrkurinn sé bundinn afmörkuðu verkefni.
- **Samstarfssamninga** til tveggja eða þriggja ára til hópa eða stofnana sem sannað hafa gildi sitt í reykvísku menningarlífi, hafa náð afbragðs árangri og geta með rökstuddum umsóknum sýnt fram á framkvæmdagetu og fjármögnunarleiðir til að reka áformaða liststarfsemi til lengri tíma. Gerð samstarfssamninga til fleiri ára er háð samþykki borgarráðs og með fyrirvara um samþykkt fjárhagsáætlunar hverju sinni. Heimilt er að ráðstafa allt að þriðjungu af styrkjapotti ársins 2020 til nýrra eða endurnýjaðra samstarfssamninga til tveggja eða þriggja ára.

Listhópur Reykjavíkur er valinn árlega úr hópi styrkþega. Hann getur verið úr hvaða listgrein sem er. Titillinn er viðurkenning og má hópurinn nota hann í kynningu á starfi sínu að vild.

3. Verklag

Umsóknir um styrki úr borgarsjóði á sviði menningarmála fara til meðferðar hjá menningar-, íþrótt- og tómstundaráði. Skrifstofa menningar- og ferðamálasviðs leggur fram yfirlit umsókna til kynningar á fundi ráðsins, sem vísar umsóknum áfram til meðferðar faghóps. Faghópurinn er skipaður af ráðinu, fjórir fulltrúar eru tilnefndir af Bandalagi íslenskra listamanna og einn er tilnefndur af Hönnunarmiðstöð Íslands. Jafnframt eru tilnefndir jafn margir varamenn. Skipað er í faghópinum árlega og er greitt fyrir setu í honum. Ekki er gert opinbert fyrir en að úthlutun lokinni hverjir sitja í faghópnum. Starfsmaður skrifstofu sviðsins er faghópnum til ráðgjafar og leiðbeiningar og situr fundi hópsins eftir því sem þörf krefur, og tekur jafnframt við fyrirspurnum umsækjenda.

Faghópurinn skilar tillögu að úthlutun styrkja og samstarfssamninga á sviði menningarmála til menningar-, íþrótt- og tómstundaráðs. Tillögunni fylgir rökstudd greinargerð sem kynnt er menningar-, íþrótt- og tómstundaráði af fulltrúa faghópsins og er sú greinargerð gerð opinber um leið og ákvörðun um úthlutun styrkja er birt. Að öðru leyti er úthlutun ekki rökstudd, sbr. V. kafla, 21. grein stjórnarsýslulaga um hvenær veita skal rökstuðning (sjá aftast). Tillögur faghóps eru ráðgefandi og tekur menningar-, íþrótt- og tómstundaráð endanlega ákvörðun um úthlutun.

Við skipun í faghóp skal taka mið af II. kafla stjórnarsýslulaga um sérstakt hæfi (sjá aftast). Sama gildir ef hópurinn hefur hafið störf og spurning um vanhæfi kemur upp. Jafnframt ber að gæta að jöfnum kynjahlutföllum og að skipan fulltrúa endurspegli þann fjölbreytta hóp sem starfar innan BÍL og Hönnunarmiðstöðvar.

Styrkjareglur og stefnur Reykjavíkurborgar eru lagðar til grundvallar mati á umsóknum, auk eftirfarandi þátta:

- a) markmiðum sem lýst er og hvort líklegt sé að þeim verði náð
- b) hvort verk- og tímaáætlun verkefnisins eða starfseminnar sé raunhæf
- c) hvort fyrri verkefni sem styrk hafa hlotið hafi uppfyllt skilyrði og greinargerð hafi verið skilað
- d) væntanlegum árangri og ávinningi fyrir umrædda starfsemi
- e) fjárhagsáætlun og greinargerð um aðra fjármögnun sem einnig fylgir umsókn
- f) því hve vel þær falla að mannréttindastefnu og jafnréttisstefnu Reykjavíkurborgar og markmiðum um innleiðingu á kynjaðri fjárhags- og starfsáætlun

Styrkþegum er skylt að skila greinargerð um ráðstöfun styrkfjár að verkefni loknu með því að fylla út sérstakt eyðublað sem er aðgengilegt á www.reykjavik.is/styrkir og senda á menning@reykjavik.is.

4. Aðrir styrkir og verðlaun á vegum menningar-, íþrótt- og tómstundaráðs

Borgarhátíðir Reykjavíkur 2020-2022

Á árinu 2019 geta hátíðir sótt um að verða borgarhátíð Reykjavíkur 2020-2022 með þriggja ára samstarfssamningi. Faghópur skipaður fulltrúum Reykjavíkurborgar, fulltrúa Bandalags íslenskra listamanna og fulltrúum Samtaka ferðapjónustunnar og Samtaka verslunar og þjónustu tekur fjallar um umsóknir. Um borgarhátíðir Reykjavíkur 2020-2022 gilda sérstakar reglur.

Úrbótasjóður tónleikastaða

Á árinu 2019 verður stofnaður úrbótasjóður fyrir tónleikastaði í Reykjavík til tveggja ára. Faghópur skipaður fulltrúum tónlistarlífsins auk verkefnastjóra Tónlistarborgarinnar fjallar um umsóknir í hann og gilda um hann sérstakar verklagsreglur.

Styrkir fyrir myndríka miðlun tengda sögu og menningu í Reykjavík

Styrkirnir eru ætlaðir til niðurgreiðslu á kostnaði vegna kaupa á ljósmyndum frá Ljósmyndasafni Reykjavíkur. Tilgangur styrkveitinganna er að hlúa að varðveislu menningararfleifðar Reykjavíkur og miðlunar hennar í fjölbreyttu formi. Hópur skipaður þremur sérfræðingum á menningar- og ferðamálasviði fer yfir umsóknir og gerir tillögu til menningar-, íþrótt- og tómstundaráðs.

Borgarlistamaður Reykjavíkur

Árlega er útnefndur borgarlistamaður Reykjavíkurborgar. Menningar-, íþrótt- og tómstundaráð útnefnir borgarlistamann. Um útnefningu borgarlistamanns gilda sérstakar reglur.

Bókmenntaverðlaun Tómasar Guðmundssonar

Verðlaunin eru veitt fyrir óbirt handrit að ljóðabók. Þriggja manna dómnefnd velur verðlaunahandritið. Um Bókmenntaverðlaun Tómasar Guðmundssonar gilda sérstakar reglur.

Barnabókaverðlaun Guðrúnar Helgadóttur

Þau eru veitt fyrir óbirt handrit að barna- eða unglingabók. Þriggja manna dómnefnd velur verðlaunahandritið. Um Barnabókaverðlaun Guðrúnar Helgadóttur gilda sérstakar reglur.

Úr stjórnarsýslulögum frá 1993 nr. 37:

II. kafli. Sérstakt hæfi.

■ 3. gr. Vanhæfisástæður.

Starfsmaður eða nefndarmaður er vanhæfur til meðferðar máls:

1. Ef hann er aðili máls, fyrirvarsmaður eða umboðsmaður aðila.
2. Ef hann er eða hefur verið maki aðila, skyldur eða mægður aðila í beinan legg eða að öðrum lið til hliðar eða tengdur aðila með sama hætti vegna ættleiðingar.
3. Ef hann tengist fyrirvarsmanni eða umboðsmanni aðila með þeim hætti sem segir í 2. tölul.
4. Á kærustigi hafi hann áður tekið þátt í meðferð málsins á lægra stjórnarsýslustigi. Það sama á við um starfsmann sem fer með umsjónar- eða eftirlitsvald hafi hann áður haft afskipti af málinu hjá þeirri stofnun sem eftirlitið lýtur að.

5. [Ef hann á sjálfur sérstakra og verulegra hagsmuna að gæta, venlamenn hans skv. 2. tölul. eða sjálfseignarstofnun eða fyrirtæki í einkaeigu sem hann er í fyrirsvari fyrir. Sama á við ef næstu yfirmenn hans hjá hlutaðeigandi stjórnvaldi eiga sjálfir sérstakra og verulegra hagsmuna að gæta. Verði undirmaður vanhæfur til meðferðar máls verða næstu yfirmenn hans aftur á móti ekki vanhæfir til meðferðar þess af þeirri ástæðu einni.]¹⁾

6. Ef að öðru leyti eru fyrir hendi þær ástæður sem eru fallnar til þess að draga óhlutdrægni hans í efa með réttu.

Eigi er þó um vanhæfi að ræða ef þeir hagsmunir, sem málið snýst um, eru það smávægilegir, eðli málsins er með þeim hætti eða þáttur starfsmanns eða nefndarmanns í meðferð málsins er það lítilfjörlegur að ekki er talin hætta á að ómálefnaleg sjónarmið hafi áhrif á ákvörðun.

¹⁾L. 49/2002, 1. gr.

■ 4. gr. Áhrif vanhæfis.

Sá sem er vanhæfur til meðferðar máls má ekki taka þátt í undirbúningi, meðferð eða úrlausn þess. Honum er þó heimilt að gera þær ráðstafanir sem eru nauðsynlegar til að halda máli í réttu horfi á meðan staðgengill er ekki til staðar.

Nefndarmaður, sem vanhæfur er til meðferðar máls, skal yfirgefa fundarsal við afgreiðslu þess.

■ 5. gr. Málsmeðferð.

Starfsmaður, sem veit um ástæður er kunna að valda vanhæfi hans, skal án tafar vekja athygli yfirmanns stofnunar á þeim.

Yfirmaður stofnunar ákveður hvort starfsmanni hennar beri að víkja sæti. Í þeim tilvikum, er vafi kemur upp um hæfi yfirmanns stofnunar, tekur hann sjálfur ákvörðun um hvort hann víkur sæti.

Nefndarmaður, sem veit um ástæður er kunna að valda vanhæfi hans, skal án tafar vekja athygli formanns stjórnarsýslunefndar á þeim.

Stjórnarsýslunefnd ákveður hvort nefndarmönnum, einum eða fleiri, beri að víkja sæti. Þeir nefndarmenn, sem ákvörðun um vanhæfi snýr að, skulu ekki taka þátt í ákvörðun um það. Þetta gildir þó ekki ef það leiðir til þess að stjórnarsýslunefndin verður ekki ályktunarhæf. Skulu þá allir nefndarmenn taka ákvörðun um hæfi nefndarmanna.

■ 6. gr. Setning staðgengils.

Þegar starfsmaður vÍkur sæti og ekki er til staðar annar hæfur starfsmaður skal sá er veitir stöðuna setja staðgengil til þess að fara með málið sem til úrlausnar er.

V. kafli. Birting ákvörðunar, rökstuðningur o.fl.

■ **21. gr. Hvenær veita skal rökstuðning.**

Aðili máls getur krafist þess að stjórnvald rökstyðji ákvörðun sína skriflega hafi slÍkur rökstuðningur ekki fylgt ákvörðuninni þegar hún var tilkynnt.

Ákvæði 1. mgr. gildir þó ekki ef:

1. umsókn aðila hefur verið tekin til greina að öllu leyti,
2. um er að ræða einkunnir sem veittar eru fyrir frammistöðu á prófum,
3. um er að ræða styrki á sviði lista, menningar eða vísinda.

Beiðni um rökstuðning fyrir ákvörðun skal bera fram innan 14 daga frá því að aðila var tilkynnt ákvörðunin og skal stjórnvald svara henni innan 14 daga frá því að hún barst.

Úrskurðum í kærumálum skal ávallt fylgja rökstuðningur.